

IPUI BERRIYAK.¹

AZALKAYA:

Zerbait nai egin.
euskaragatik.

KIRKIRRA ETA ITZAYA.

Kirkir bat irten zan beñ
bere zulutikan,
kantari abiyatu
zan, chit gogotikan;
ez-zitzayon batere
janik gogoratzen,
baizik bere lanian
zuben easotzen...
Itzai bat gertatu zan
ontan gurdiyakiñ,
errira zijoana
ontzi gauzarekiñ;
eta aditurikan
kirkirraren kanta,
makurturik billatzen
asi zan etzan-ta,
esanaz «*laister det nik
izango eskuan,*

*badakit guchi gora
bera non dagan.»*
Ala utzirikan an
era bat gurdiya,
asi zan arrapatu
nayian pistiya,
bañan bestiak nola
sentitu bai zuben,
bere kantuak laister
išildu zituben;
ontan arkitzen zala
gurdiya aurrera
joan zan, eta sarturik
bide okerrera,
aldapara zuben ta
jorik bazter bat an,
gurdi eta ontziyak
bertan autsi ziran.

(1) Fábulas premiadas con *accéssit* en los Juegos florales euskaros celebrados en San Sebastian en 1887. (Véase página 22.)

Onek erakusten du
askoren moduban,
ez sartzeko bein-ere
besteren tratuan;

bere lanak utzirik
oi dana bestian,
geyenian arkitzen
da bere kaltian.

KATUA ETA OLLARRA.

Katu bat izatentzan
baserri batian,
beste asko bezela
zeguan sukaldian.
Ollar bat berarekin
anchen bai-zan bizi,
zeñak egin nai zuben
bertako nagusi;
katuari oi ziyon
askotan eraso,
moko zorrotzarekin
biziro garboso;
baña izanik oso
ona katu zarra,
etziyon bein-ere nai
sartu atzaparra.
Bein diyo katu zarrak,
esan ollarrari:
*«ez naukela berotu
odolikan neri,
badakik gaztegoa
ni bañan aizela,
eta zarragokoa*

obeditzen dala.»
Etzuben aditu nai
zarren arrazoia,
baizik berriz nai ziyon
egin charkeria,
bada beroturikan
egun batez zarra,
zintzurretik eatsi
ziyon atzaparra;
bestia barkaziyo
eskatzen zan asi,
bañan zarrak ill-arte
ez baitziyon utzi.

.
Onek erakusten du
gazte arruari,
beti obeditzeko
zarragokoari;
zergatikan denbora
etortzen dan sarri,
kastigatzeko gaizki
dabilen danari....

AZERI-ARRUA.

Azeri batek zuben
egin apustua,
korrika pasa baietz
orduko sei legua;
esaten zuben: «Nik deus

kontrariyo ez det,
ez naute menderatu
ezertan ni bestek;
beti nere beldurraz
asko bizi dira,